



KOMMUNEQARFIK
SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

100L1

KAPISILLIT

NUUK

QEQERTARSUATSIAAT

KOMMUNIMUT PILERSAARUMMUT TAPILIUSSAQ NR. 10
IMMIKKOORTUP ILAA UNA PILLUGU
100L1 QOOQQUT

SIUNNERSUUT

NUUP KANGERLUA

IMARISAA

1. ILITSERSUUT	3
2. PILERSAARUTIP NASSUIAATAA	4
2.1 PILERSAARUTEQARFIUSOQ	4
2.2 KOMMUNIMUT PILERSAARUMMUT TAPILIUSSAP TUNULIAQUTAA	5
2.3 PILERSAARUSIORNERMI PERIUSISSAQ 2023.....	6
2.4 ILLOQARFIIT PINGAARNERSAAT PILLUGU PERIUSISSIAQ 2035.....	7
2.5 FN-IP NUNARSUAQ TAMAKKERLUGU ANGUNIAGAI	9
3. AALAJANGERSAKKAT NASSUIAALLU	10
3.1 TUNNGAVIUSUMIK AALAJANGERSAKKAT PINGAARNERIT	11
3.2 PILERSAARUTINIK ATORUNNAARSITSINEQ.....	19
3.3 PILERSAARUSIAP AAPPAANUT TUNNGATILLUGU PISSUTSIT.....	19
3.4 PILERSAARUMMIT INATSISINUT TUNNGASUT	20
4. AKUERSISSUTEQARNERMI ATSIORNERIT	22
5. ILANNGUSSAT	23

Kommunimut pilersaarut 2036-mut
tapiliussaq nr. 10, Kommuneqarfik
Sermersuumi Aningaasaqarnermut
Inuussutissarsiornermullu
Ataatsimiititamiit ulloq 7.10.2025-mi
tamanut tusarniaassutigineqarpoq.

Tusarniaanermut piffissaliussaq
tassaavoq 15.10.2025 -
26.11.2025.

Pilersaarut siunnersuutitut ulloq
15.10.2025-mi tamanut
saqqummiunneqarpoq.

1. ILITSERSUUT

KOMMUNIMUT PILERSAARUSIORNERMUT TAPILIUSSAQ SUNAANA?

Kommunimut pilersaarummut tapiliussaq atorlugu kommunimut pilersaarummi pioreersumi allannguutit allaaserineqarput. Kommunimut pilersaarummut tapiliussaq atorlugu immikkoortut ilaat akimorlugit nalinginnaasumik aalajangersagaasut, kommunimut pilersaarummi immikkoortup ilai aalajangersimasuni pingaarnertut aalajangersagaasut allanngortinneqarsinnaapput kiisalu immikkoortut ilaasa killeqarfii allanngortinneqarsinnaallutik. Kommunimut pilersaarummut tapiliussaq illoqarfimmut pilersaarutip saniatigut ataavartumik suliarineqarsinnaavoq.

ATUARNISSAANUT ILITSERSUUT

Kommunimut pilersaarummut tapiliussaq marlunnik immikkoortortaqqarpoq,

PILERSAARUSIORNERMUT NASSUIAATITAA aamma **AALAJANGERSAGARTAA**.

- **PILERSAARUSIORNERMUT NASSUIAATITAA** pilersaarutip suliarineranut kiisalu pilersaaruteqarfiup killeqarfianut, pissutsinut pioreersunut kiisalu siunissami pissutsinut tunngasut allaaserisanik imaqqarpoq.
- **AALAJANGERSAGARTAA** aalajangersakkanik pilersaarummik piviusunngortitsinermi malinneqartussanik tamatumalu nassuiaatitaanik imaqqarpoq. Tamatuma saniatigut aalajangersakkat pillugit immikkoortoq inatsisitigut pituttuisunik ilanngussanik nunap assitaqqarpoq.

PILERSAARUTIP SIUNNERSUUTITUT TAMANUT SAQQUMMIUNNEQARNERA


Kommunimut pilersaarummut tapiliussap inaarutaasumik akuersissutigineqannginnerani kommunalbestyrelsimit tapiliussassatut siunnersuut tamanut nalunaarutigineqassaaq, taamaalillutik innuttaasut soqutiginnittullu allat pilersaarutip imarisaanik paasisaqarsinnaaniassammata immaqalu aamma pilersaarut pillugu oqaaseqaateqarsinnaallutik akerliliissuteqarsinnaallutilluunniit. Tamatuma kingorna pilersaarutip inaarutaasumik akuersissutigineqannginnerani kommunalbestyrelsip akerliliissutaasinnaasut allannguutissatullu siunnersuutaasinnaasut nalilersussavai.

Una Kommunimut pilersaarummut tapiliussaq nr. 10 tamanut tusarniaassutigalugu saqqummiunneqqarpoq, piffissami **15.10.2025 – 10.12.2025**-p tungaanut. Oqaaseqaatit kingusinnerpaamik ulloq **10.12.2025**-mi nassiunneqassapput, uunga:

plan@sermersooq.gl


2. PILERSAARUTIP NASSUIAATAA

2.1 PILERSAARUTEQARFIUSOQ



Takuss. 1 // Nuup Kangerluani immikkoortup ilaata 100L1 Qooqqut inissisimaffissaa

2.2 KOMMUNIMUT PILERSAARUMMUT TAPILIUSSAP TUNULIAQUTAA



100L1 Qooqqut

Illuaraqarfik

Takuss. 2 // Qooqqut kangerlutta

Kommunimut pilersaarut 2036-mut tunngasumi Kommunimut pilersaarummut tapiliussaq nr. 10 Qooqquni avatangiisit kulturikkut oqaluttuarisaanikkullu eriagisassat aamma nunaannaq qulakkeerumallugit suliarineqarpoq. Kommunimut pilersaarummut tapiliussamik matuminnga akuersinikkut Kommunalbestyrelsimit kissaatigineqarpoq, siornatigut savaateqarfiusimasup kingusinnerusukkullu hotelip eqqaani eriagisassat oqaluttuarisaanermut tunngasut qulakkeerneqarnissaat.

Immikkoortortami oqaluttuarisaanermut eriagisassat pineqartut tassaapput illut inissisimanerat, talittarfioqqaartumi atortulersuutit, innaallagissamut napparutit, aqqusineeqqat aamma ingerlatinut aqqutiliat. Pineqarputtaaq nunaannaq siusinnerusukkut nersutit ivigartorfigisartagaat aamma narsaatit maanna festivalertarfittut aamma tupeqarfittut atuuffeqartut.

Pilersaarut naapertorlugu sumiiffik inuit ataasiakkaat illuaraliornissaannut periarfissaqartinnagu sukisaarsarfittut takornarialerinermilu siunertamut taamaallaat atorneqarnissaa qulakkeerneqassaaq. Taamaakkaluartoq inuit ataasiakkaat illuaraliornissaat periarfissaassaaq eqqaani illuaraqarfinni makkunani; 100K20, 100K21 aamma 100K22.

Sumiiffiup oqaluttuarisaanikkut naleqassusaa ataqqillugu najugaqavissut takornariallu asiarfissaattut mianersuussamik ineriartortinneqarnissaa qulakkeerumallugu, immikkoortup ilaanut pingaarnertut aalajangersakkat pilersaarummi allaaserineqarput. Qooqqut pillugu immikkuualuttup agguataarnerata pioreersup immikkuualuttunut tallimanut tamarmik immikkut aalajangersimasumik atorneqarnerinik tapersiisumik agguataagaasutut pioreersoq pilersaarutikkut matumuuna nutarterneqassapput.

2.3 PILERSAARUSIORNERMI PERIUSISSAQ 2023

Kommunimut pilersaarummut tapiliussami
Pilersaarusionermi periusissiaq 2023-meersumiit qitiutitat
makkua pingaartinneqarput:

QITIUTITAQ 3 – SULINEQ PITSAASOQ:

”Sermersooq inuussutissarsiornerup ineriartortinnissaanut pilersaarummik akuersissutigineqarsimasumik peqarpoq, tassani takornariaqarnermik suliaasaqarfik siunissami najukkani aningaasaqarnermut iluaqutaassasoq oqaasinngortinneqarsimavoq. [...] Tikeraartissatsinnut pitsaasunik neqerooruteqassaaq, kommunimimi misigisassat tupinnartut amerlasuut misigisassaapput.

Sermersuumi ukioq kaajallallugu takornarialerinerup tapersersornissaa kissaatigaarput, minnerunngitsumik innuttaasutsinnut suliffinnik ataavartunik isumatuunillu pilersitsinikkut.”

Pilersaarusionermut tunngaviup uuma imaraa 100L1 Qooqut, najukkami innuttaasunit aamma takornarianit tikeraarluni ornittakkatut piuuartitsineramik tunngaveqarluni ineriartortinneqarnissaa.

Pilersaarusionermut tunngavimmi takornarianut illuaqqat sumiiffissaat nassuiarneqarput aamma hotelimik neriniartarfimmillu piusumik ineriartortitsineq periarfissaavoq. Pilersaarummi tunngavilerneqarpoq immikkoortup ornittakkatut peqqissaarussamik ineriartortitseqqinneqarsinnaanera.

QITIUTITAQ 4 – SUNNGIFFIK PITSAASOQ

”Najukkami kulturi aneerfissanut attuumassuteqarpoq aamma taamaattumik nunaminertat sukisaarsarfiusinnaasut pingaartitaraavut - illoqarfimmut qanittut aamma asimiittut. Sermersuumi nunaminertat sukisaarsartarfiit kulturimik paasinnittaatsitta ilaattut paarilluarusuppavut.”

”Kommunimi nunaminertat tunngaviatigut sukisaarsarfittut isigineqartariaqarput - tassunga ilanngullugu asimiinneq. Najukkami innuttaasut soorluttaaq tikeraartuvut inuilaarsuarmiinnissaminnik nuannarisagartuupput. Tamassuma suli periarfissaanissaa uagut Sermersuumi



Takuss. 3 // Qitiutitaq 3 – Suliffik pitsaasoq



Takuss. 4 // Qitiutitaq 4 – Sunngiffik pitsaasoq

suli qularnaarumavarput, taamaattumik nunaminertat sanaartorfiusut (illuaqqat aamma takorniarfiit) aamma inuilaarsuup akornngisa oqimaaqatigiissuunissaat qulakkeerneqassaaq. Taakkua tamarmik uagut kommunitisinni inissaqartinneqarput.”

Qooqqut maanna immikkoortutut sukisaarsarfittut ornigarneqarluartutut atuutereerpoq aamma pilersaarutikkut immikkoortup sukisaarsaatigalugu asiarsimaarfittut atorineqareenera tapersorsorneqarpoq. Pilersaarutikkut kangerlummi immikkoortut sinnerisa qajassuunneqarnissaat qulakkeerneqarpoq.

Immikkoortut sanaartorfiusut aamma illoqarfiup eqqaani inuilaarsuarmi sukisaarsarfiup akornanni oqimaaqatigiissusissaaq pilersaarusiornermut periusissiami oqaasertalorneqarpoq. Pilersaarusiornermut tunngavimmi Qooqqut immikkuualuttunut aggulunnissaanut anguniagaqartoqarpoq - immikkuualuttut ilaat sanaartorfiusapput, immikkuualuttut ilaat sanaartorfieqqusaanngitsut kisianni tupersimaarnissamut, piniarnissamut, eqalunniarnissamut il.il. periarfissallit.

2.4 ILLOQARFIIT PINGAARNERSAAT PILLUGU PERIUSISSIAQ 2035



Takuss. 5 // Qooqquni talittarfiit

Pilersaarusiornermut periusissiami anguniakkanut tapitaliullugu kommunimut pilersaarut manna, Illoqarfiit pingaarnersaat pillugu periusissiaq 2035-mut, sammisanut aamma anguniakkanut tuliiuttunut naapertuuppoq:

SAMMISAQ 4: ILLOQARFIIT PINGAARNERSAAT ATAQATIGIISSEQ

”Kikkulluunniit, innuttaasut mianernartut innuttaasullu piginnaanikillisimasut ilanngullugit, illoqarfiup Nuup eqqaani Nuup ilisarnaatigisaanukarsinnaassapput.”

Pisortat tulattarfiutaasa periarfissiinerisigut innuttaasut tikeraallu kikkulluunniit Qooqqumi pingortitami sukisaarsaarnissaminut periarfissaqartinneqassapput - inuit qanorluunniit ukioqaraluartut imaluunniit qanorluunniit piginnaanikillisimagaluartut.



Takuss. 6 // Qooqut festival 2023

SAMMISAQ 5: INUUSSUTISSARSIORFIK KULTURIKKULLU INUUNEQ INERIARTORTUT

"Takornariaqarnek [...] sumiiffimmi inuussutissarsiutillit iluaqutigissavaat aammalu pinngortitap sumiiffimmilu innuttaasut pisariaqanngitsumik sulerulutsinneqannginnissaat qulakkeerneqassalluni. Takornariaqarnermi nakkutigisamik ineriartornissaq aammalu Nuup ukioq naallugu tikinneqarsinnaanissaattut ineriartortitsineq suliffeqarfinnik pitsaasunik, suliffissanik pitsaasunik amerlanerusunik pilersitsissaaq, aammalu illoqarfiup tikeraanut najugaqartunullu neqeroorutigisinnaasaannut ineriartuutaassalluni."

"Nuummi kulturilerinerup assigiinngisitaarnissaa uummaarissuunissaalu pingaartipparput taamaalilluni Nuuk Kalaallit Nunaanni kulturikkut illoqarfiit pingaarnersaassaaq."

Kommunimut pilersaarummut tapiliussakkut immikkoortumi takornarialerinemik ineriartortitsineq pisinnaavoq ilaatigut qaqqami hotelimik sanaartorneq aqqutigalugu.

Takornariaqarnermik ineriartortitsineq tapersersuutaassaaq Qooqut ukioq kaajallallugu takornarianit soorluttaaq najukkami innuttaasunit ornitassanngorsinnaaneranut.

Pilersaarusiornermut tunngavimmi aalajangersarneqarpoq Qooqut aamma festivalertarfik kulturikkut avitseqatigiinnermut sinaakkutissiinerat ingerlaannaqqullugit, issittumi aamma kalaallit eqqumiitsuliaat kulturiallu aallaavigineqassallutik.

2.5 FN-IP NUNARSUAQ TAMAKKERLUGU ANGUNIAGAI



Takuss. 7 // Nunarsuaq tamakkerlugu anguniakkat attuumassuteqartut

Pilersaarusiornermut periusissiami anguniagaq naapertorlugu pilersaarusiornermut tunngavimmiit nunarsuaq tamakkerlugu anguniakkat tassenilu anguniakkat ilaat makkua tapersersorneqarput:

8 SULIFFISSAT PITSAASUT ANINGAASAQARNERLU ANNERTUSIARTORTOQ

8.1 Takornariaqarnermik atuilluartuusumik tapersersuineq

Immikkoortup ilaanut sinaakkutissat piffissap takornariartitsiffiusup sivitsornissaanut pitsaasunik periarfissiipput, tamanna ukioq kaajallallugu suliffissanik isumatuunik periarfissaqartitsisinnaaneranut tapersiissaaq. Takornarialerinermik ineriartortitsineq imminut napatissinnaasutut isigineqarpoq.

15 NUNAMI UUMASSUSILLIT

15.1 Nunami imaanilu pinngortitap ataqatigiinneranik allanngutsaaliineq taamaattussatullu pilersitseqqinneq

15.9 Pinngortitap ataqatigiinneranik uumassusillilu assigiinngisitaarnerannik nuna tamakkerlugu najukkanilu pilersaarusiornermi pingaartinneqassapput.

Immikkoortut ineriartortinnerisigut, maannangaag atorineqareersut immikkoortunik sanaartorfiunngitsunik qajassuussissapput. Nunaannarmik/Nuup Kangerluanik ineriartortitsinermut atasumik inuilaarsuarmi uumasogatiit naasullu eqqarsaatigineqarnissaannut tapersiivoq.


3. AALAJANGERSAKKAT NASSUIAALLU

Kommunalbestyrelsip makku aalajangersakkat *"Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq* (Pilersaarusiornermut inatsit)" malillugu aalajangersarneqarput.

§ 1 - SIUNERTAT	11
§ 2 - ATORNEQARNERA	12
§ 3 - SANAARTUKKAT	13
§ 4 - INISSAQ SINNERUTTOQ	13
§ 5 - ERIAGISARIAQARTUT	14
§ 6 - ISUMANNAALLISAANERMUT KILLEQARFILIUSSAT	15
§ 7 - ANGALLANNEQ PILERSUINERLU	16
§ 8 - ILLOQARFIMMIK NUTARTERINEQ	17
§ 9 - IMMIKKOORTUT	17
§ 10 - NUNA TAMAKKERLUGU PILERSAARUSIORNERMI SOQUTIGISAT	17
§ 11 - SANAARTORFIGEQQUSAANNGITSUT	18
§ 12 - SULIARINERA	19

3.1 TUNNGAVIUSUMIK AALAJANGERSAKKAT PINGAARNERIT

IMMIKKOORTUP ILAATA KILLILERSORNERA



- imm.:1. Immikkoortup ilaa ilanngussami 1-imi takutinneqartutut killilersugaavoq
- imm.:2. Immikkoortup ilaa ilanngussaq 1-imi takutinneqartutut immikkuualuttunut tallimanut agguataarneqassaaq.
- imm.:3. Immikkoortup ilaa 213 ha missaannik annertussuseqarpoq.

NASSUIAAT:

IMMIKKOORTUP ILAATA KILLILERSORNERA

Immikkoortup ilaata killeqarfia qooqqersimanermi Nissikelven sinerlugu qaqqap anillanganeratigoortinneqarpoq.


§1 - SIUNERTAT

NALINGINNAASUMIK ATUINEQ:

L – Sumiiffik immikkut sukisaarsarfittut naleqquttoq

- imm.:1. Sumiiffik najugaqavissunut takornarianullu sukisaarsarfittut pilerinartutut atorneqaannassaaq. Immikkoortup ilaani inuit ataasiakkaat illuaraliortitersinnaanngillat.
- imm.:2. Immikkoortup ilaani takornialerinemik ineriartortitsineq tapersersorsinnaajumallugu illoqarfiup ilaanut pilersaarummik suliaqarnerup kingorna qaqqami hotelimik sanaartortoqarsinnaavoq aamma takornariat iluaraannik killilimmik amerlassusilinnik.

§2 - ATORNEQARNERA



Takuss. 8 // Immikkuualuttoq immikkoortup ilaata agguataarnera

- imm.:1. Immikkoortup ilaa immikkut sukisaarsarfittut siunertanut atugassiissutigineqarsinnaavoq aamma kommunimut pilersaarut atuuttoq naapertorlugu, immikkoortunut L-inut aalajangersakkat atuuttut naapertorlugit aaqqissuunneqarlutik.
- imm.:2. Immikkuualuttoq A tamanit tupertorfittut atorneqarsinnaavoq.
- imm.:3. Immikkuualuttoq B tupertorfittut festivalertarfittullu atorneqarsinnaavoq.
- imm.:4. Immikkuualuttoq C inuit ataasiakkaat illuaraannut kiisalu akunnittarfinnut neriniartarfinnullu atorneqarsinnaavoq.
- imm.:5. Immikkuualuttup D-p iluani takornarianut illuaraqarnikkut unnuisarfeqartitsilluni takornarialernermik atuisoqarsinnaavoq.
- imm.:6. Immikkuualuttoq E sanaartornermik imaluunniit atortuusivimmik periarfissaqartitsinngitsumik sukisaarsarfittut sanaartorfioqqusaanngitsutut aalajangersarneqassaaq.

NASSUIAAT:

ATORNEQARNERA

Immikkuualuttut nunap ilaani pinngortitap qanoq innerata inuillu pilersitaata killeqarfeqartippai. Matumani pineqartunut ilaapput aqqusineeqqat/angallannermi aqcutit, qaqqanik qaartiterinerit, naasulersuinerit, kuuit il. il.

Immikkuualuttut atorneqarneri suli maannakkut atuneq siunissamilu qanoq atorneqarnissaanik kissaateqarneq tunngavigineqarput. Sineriak qaninnerpaami sumiiffiit ataatsimut sukisaarsarfittut atorneqarnissaat kissaatigineqaannarpoq – tupeqarfittut, festivalertarfittut sanaartukkallu oqaluttuarisaanermut pingaarutillit. Takornarianut illuaqqat sineriammiit ungasinnerpaajutinneqassapput, festivalertarfiup (immikkuualuttoq D) avannaani qatsissumi.

§3 - SANAARTUKKAT

- imm.:1. Kommunimut pilersaarut 2036-mi sumiiffinnut L-inut aalajangersakkat nalinginnaasumik atuuttut innersuussutigalugit, sumiiffinnut L-inut sumiiffimmi atuinermut tapertaasunik sanaartugaqartoqarsinnaallunilu atortulersuutinik pilersitsisoqarsinnaavoq.

NASSUIAAT: SANAARTORFIK

Sumiiffinni L-ini sanaartukkatut suussutsit akuerisaasut pillugit aalajangersakkat kommunimut pilersaarut 2036-mit aalajangersarneqarput. Tamatuma saniatigut sanaartukkat angissusaannut quleriit amerlassusaannut aalajangersakkat kiisalu illut akornini ungasissutsimut piumasaqaatit, kuunnut ungasissutsit, aqqusineeqqanut pioreersunut qanganitsanullu eriagisassanut ungasissutsinut piumasaqaatit aalajangersarneqarput.

§4 - INISSAQ SINNERUTTOQ



Takuss. 9 // Brandtomten for B-111

§4 imm. 4-mut:

Sanaartukkat immikkuualuttup festivalertarfittut atuunneranut tapersuutaasut tassaasinnaapput illut perusuersartarfittut atuuffillit, festivalimi pikialaartitsisut takutitsiffigisaat nipilersorfigisaat, assingusulluunniit.

- imm.:1. Ilanngussaq 1 innersuussutigalugu, immikkuualuttoq D-mi takornarianut illuaraliortoqarsinnaavoq.
- imm.:2. Ilanngussaq 1 innersuussutigalugu, immikkuualuttoq C-mi ikuallannikut pioreersutut inissisimasut killeqarfiini Hotel Qooqqunik sanaartoqqinneq pisinnaavoq. Akunnittarfiup sanaartoqqinnissaa pitinnagu, immikkuualuttoq C-mut aalajangersakkat sukumiisunik peqartillugu sumiiffimmut pilersaarut suliarineqassaaq.
- imm.:3. Immikkoortup ilaata iluani inuit ataasiakkaat illuaraannik nutaanik sanaartorneq inerteqqutaavoq.
- imm.:4. Immikkuualuttoq B-mi immikkuualuttup festivalertarfittut atuuffianut tapersersuutaasunik sanaartortoqarsinnaavoq.

TEKNIKKIKKUT ATORTULERSUUTIT

imm.:5. Teknikkikkut atortulersuutitut aalajangersakkat atuuttut naapertorlugit immikkoortup ilaani teknikkikkut atortulersuutinik pilersitsisoqarsinnaavoq.

NASSUIAAT:

INISSAQASSUSEQ




Takuss. 10 // B-111 Hotel Qooqut
– Arktiske Billeder, 1977

Akunnittarfiup ikuallannikup sanaartorfigeqqinnissaa takornarialerinerup ineriartortinnissaanut periarfisseeqataasinnaavoq kiisalu immikkoortup ilaani oqaluttuarisaanikkut sanaartoriaaseq attatiinnarneqarluni.

Sanaartortoqaqqinnissaa piginnagu immikkoortup ilaanut sumiiffimmut pilersaarut suliarineqassaaq. Sumiiffimmut pilersaarut naapertorlugu angissuseq/portussuseq, atortussat qalipaatisaalu eqqarsaatigalugit ikuallannikumi sanaartorneqaqqaartumut naapertuuttumik akunnittarfiliortoqarnissaa qulakkeerneqassaaq.

§5 - ERIAGISARIAQARTUT



Takuss. 11 // Sanaartukkatut
aaqqissuussaaqqaartut

imm.:1. Immikkoortuni atugassanngortinneqartuni qanganitsat eriagisassat arlaqarsinnaapput. Qanganitsat eriagisassat nunap assingatigut Nunatta Katersugaasivia Allagaateqarfialu aqqutigalugu assitalersugaapput. Qanganitsanut eriagisassanut allattorsimaffik killeqanngilaq, taamaattumik immikkoortup ilaani pineqartumi qanganitsanik eriagisassanik nalunaarsorsimanngitsunik peqarsinnaavoq. Inatsit atuuttoq innersuussutigalugu, qanganitsat eriagisassat sanaartorfigeqqusaanatillu atortulersuutinik pilersitsivigeqqusaanngillat

imm.:2. Immikkuualuttoq C-mi sanaartukkatut aaqqissuussaaqqaartut isumannaarneqassapput.


imm.:3. Immikkoortup ilaani orpiit piiarneqaqqusaanngillat, killorneqaqqusaanngillat imaluunniit allatigut kommunalbestyrelsip akuerinngisaanik

iliuuseqarfigeqqusaanngillat. Piiaanissamut akuersissut, ass. orpik toqusimappat imaluunniit toquliorpat avatangiisinullu navianartorsiortitsippat, tunniunneqarsinnaavoq.

imm.:4. Immikkoortumi misileraalluni orpinnik naatitsineq akuerisaavoq.

NASSUIAAT:

ERIASARIAQARTUT



Takuss. 12 // Qooqqut silaannarmut assilineqarnera – Arktiske Billeder, 1982

Sanaartukkatut aaqqissuussaaqqaartut tassaapput Elværk (B-nr.-itaqanngitsaq), B-110, B-111, B-112, B-294, B-374 aamma B-1326 taakkua Qooqqut savaateqarfittut aamma kingusinnerusukkut hotelitut atorineqaaqaalerneranneersuupput. Immikkoortup oqaluttuassartaa illersorumallugu, immikkuualuttoq C-mi sanaartorfissanik nutaanik tunniussisoqassanngilaq. B-111 illoqarfimmut pilersaarummik suliaqarnerup kingorna sanaqqinneqarsinnaavoq.

Qooqqut tassaavoq Kalaallit Nunaanni sumiiffiit ilaat 1960-ikkut aamma 70-ikkut ingerlaneranni orpinnik naatitsiniarfittut misileraaffik. Ilisimatuarluni suliniutit ilaattut misileraalluni naatitsiniaanerit piusut taperserumallugit, orpiit uppitinneqarnissaat imaluunniit killorneqarnissaat pinngitsoortinniarlugit qulakkeerinnissutaasunik suliaqartoqassaaq.

§6 - ISUMANNAALLISAANERMUT

KILLEQARFILIUSSAT

imm.:1. Attaveqaatinut radiokkullu aallakaatitsinermut atortulersuutit qulakkeerniarlugit, asimi radius 1 kilometerimi illuliuunnginnermi atortulersuutinillu pilersitsinnginnermi, telep atortulersuutaanit, imaluunniit 150 meter aamma qatsissuseq -25 meterimik ungasitsigisumi, Tusassimiit (telemut oqartussaasunit) immikkut ittumik akuersissuteqarfigineqarnissamik qinnuteqaateqartoqassaaq. Aamma taamaappoq, pilersitsinerup kingunerisaanik telemut attaveqaatitigut sunniuteqarnissaa

nalilikannerneqarpat. Nuummi mittarfiup ingerlanneqarnissaanut atatillugu killeqarfiit piumasaqaateqarfiusut allanngortinneqassappata, asimi nunaminertamik atuinerit nutaat tamarmik killilersuutinik atuuttunik malinnissapput. Immikkoortut ilaat arlaqartut eqqaanni timmiaqarfiit eqqarsaatigalugit immikkut piumasaqaatitaqartinneqarlutik killeqarfeqartinneqarput. Nunaminertamik atuinerit tamarmik taakkua eqqarsaatigalugit pissapput. Ilanngullugu sumiiffimmiit sumiiffimmut immakkut angalanermi nalinginnaasumillu nunani eqqaaniittuni angallanermi immikkut eqqumaffigisassaq. Immikkoortuni aatsitassarsiornissamut akuersissuteqarfigineqareersuni (matumani misissuinissamut, piiaanissamut imaluunniit kisermaassillutik annikinnerusumik aatsitassarsiornissamut pisinnaatitaaffeqarnermut) immikkoortoq akuersissuteqarfigineqareersimatillugu illuaraliornissamut nunaminertanik atugassiisoqarsinnaanngilaq.

§ 7 - ANGALLANNEQ PILERSUINERLU

- imm.:1. Immikkoortuni L-ini angallanermut pilersuinermullu aalajangersakkat atuuttut naapertorlugit teknikkimik pilersuinermut atortulersuutit, aqquserngit aamma talittarfittut sanaartukkat akuerisaapput.
- imm.:2. Aqqusineeqqat tamarmik, ingerlaarfissatut aqqutiliat aamma talittarfittut sanaartukkat tamanit atorneqarsinnaasariaqarput.

NASSUIAAT:**ANGALLANNEQ PILERSUINERLU**

Kommunimut pilersaarut 2036-imi aalajangersarneqarpoq immikkoortuni L-ini teknikkimik pilersuinnermut atortulersuutit sarfamut, imermut aamma kuuffissuarnut kiisalu aqqusineeqqanut, ingerlaarfissatut aqquilianut aamma talittarfinnut tunngasut illunut aamma sanaartukkanut sukisaarsarfittut siunertalinnut pilersinneqarsinnaasut. Sumiiffimmi aqqusineqarfissuaq puttasunullu tallissutit arlallit pigineqarput.

§8 - ILLOQARFIMMIK NUTARTERINEQ

Immikkut aalajangersagaqanngilaq

§9 - IMMIKKOORTUT

Immikkut aalajangersagaqanngilaq

**§10 - NUNA TAMAKKERLUGU
PILERSAARUSIORNERMI SOQUTIGISAT**

Immikkut aalajangersagaqanngilaq

§ 11 - SANAARTORFIGEQQUSAANNGITSUT



imm.:1. Immikkuualuttut A aamma E
sanaartorfigeqannginnissaat
atortulersuuteqannginnissaalu siunertaavoq.

Takuss. 13 // Immikkoortut sanaartorfiunngitsut A
aamma E.

NASSUIAAT:

SANAARTORFIGEQQUSAANNGITSUT

Sumiiffiup illoqarfiup ungasinngisaani sukisaarsarfittut tamanillu tupertorfittut atorneqarnissaa qulakkeerniarlugu, immikkuualuttoq A sunilluunniit sanaartorfiunnginnissaa atortulersorfigeqannginnissaalu anguniarneqassaaq.

Tamatuma saniatigut immikkuualuttoq B festivalertarfittut atorneqarneranut iluaqutaasussamik siunertaqanngitsunik sanaartorfiunanilu atortulersuutilersorneqassanngilaq. Taamaattumik perusuersartarfiliornissamut, festivalimi scenenut assigisaannilluunniit sanaartortoqarnissaanut nunaminertamik agguuaassinissamut qinnueqarnissaq periarfissaassaaq. Sumiiffimmi festivalertarfimmik ingerlatsinissamut periarfissanik siunertaqarunik ajorineqanngillat.



Takuss. 14 // Immikkuualuttoq A – Tupertorfik



Takuss. 15 // Immikkuualuttoq E –
Sanaartorfigeqqusaanngitsoq sukisaarsarfik

§ 12 - SULIARINERA

imm.:1. Kommunimut pilersaarummut tapiliussap suliaralugu naammassineqarnissaanut immikkut suliniutit, akuersissutit, akuerinninnerit imaluunniit kommunalbestyrelsiunngitsunit oqartussaniilli allaniit immikkut akuersissuteqarfigineqarnissaa apeqqutaanngilaq.

3.2 PILERSAARUTINIK ATORUNNAARSITSINEQ

Matumani Kommunimut pilersaarummut tapiliussassatut siunnersuutip akuersissutigineqarneratigut, tunngaviusumik pilersaarut atorunnaarsinneqassaaq, aamma immikkoortup ilaata killeqarfeqarnera allanngortinneqassanngilaq.

Pilersaarusiornertup ataavartuutinneqarnissaa qulakkeerniarlugu, Nunaannarmut pilersaarummi 2-3 ilanngussaq 1 una ilanngullugu ilanngussaq 2A taarserneqassaaq.

3.3 PILERSAARUSIAP AAPPAANUT TUNNGATILLUGU PISSUTSIT

NUNA TAMAKKERLUGU PILERSAARUSIORNEQ

Kommunimut pilersaarummut tapiliussassatut siunnersuut nr. 10, nuna tamakkerlugu pilersaarusiornermut naapertuuppoq.

NUNA TAMAKKERLUGU PILERSAARUSIORNIKKUT PERIUSISSIAT

Periusissianik attuumassuteqartoqanngilaq

INATSIT ATTUUMASSUTEQARTOQ ALLA

Immikkoortumi qanganitsanik eriagisassaqartoq Kommuneqarfik Sermersuumit ilisimaneqarpoq. Sumiiffimmi nunami suliaqarneq ingerlanneqassaaq Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maaji 2010-meersoq naapertorlugu.

KOMMUNIMUT PILERSAARUT 2036

Kommunimut pilersaarummut tapiliussamut siunnersuut nr. 10, kommunimut pilersaarummut 2036-mut naapertuuppoq.

PILERSAARUSIORNERMI PERIUSISSAQ 2023

Kommunip pilersaarutaanut tapiliussaq nr. 10, Pilersaarusiornermut periusissiaq 2023-mut naapertuuppoq, aamma immikkoortut eqqumaffigineqartussat tulliuttut eqqarsaatigineqarput:

Qitiutitaq 3B – Tunngaviusumik pilersaarut naapertorlugu sumiiffimmi takornarialerinerup ineriartortinneqarnissaa tapersersorneqarpoq.

Qitiutitaq 4B aamma 4C – Tunngaviusumik pilersaarut naapertorlugu nunami ammasumi sumiiffiit illoqarfiup eqqaaniittut sukisaarsarfiit tapersersorneqarput.

ILLOQARFIIT PINGAARNERSAAT PILLUGU PERIUSISSIAQ - NUUK 2035

Kommunimut pilersaarummut tapiliussaq nr. 10, Illoqarfiit pingaarnersaat pillugu periusissiaq 2035-mut naapertuuppoq, aamma sammisat anguniakkallu tulliuttut eqqarsaatigineqarput:

Sammissaq 4: illoqarfiit pingaarnersaat ataqatigiissoq

Sammissaq 5: inuussutissarsiorfik kulturikkullu inuuneq ineriartortut

NUNAANNARMUT PILERSAARUT 2-3

Kommunimut pilersaarummut tapiliussamut siunnersuut nr. 10, Nunaannarmut pilersaarummut 2-3-mut naapertuutinnilaq.

Nunaannarmut pilersaarummi ilanngussaq 2A-mut immikkuualuttunut killeqarfigitinneqartut kommunimut pilersaarummut tapiliussaq nr. 1-imit matuminnga nutarterneqassapput.

KOMMUNIMI MALERUAQQUSAT AAMMA MALITTARISASSAT NAAPERTUUTTUT

Kommuneqarfik Sermersuumi eqqagassalerinermut maleruaqqusat immikkoortumi atuupput.

Assaanermi paasinarsippat immikkoortumi nuna mingutsitaasoq Kommuneqarfik Sermersooq erngertumik ilisimatinneqassaaq. Eqqakkanik avatangiisimut navianaatilinnik suujunnaarsitsinerit, assersuutigalugu nuna uuliamik mingutsinneqarsimasooq, kommunimi eqqagassalerineq pillugu malittarisassat aamma suliasaqarfik tamanna pillugu inatsisit naapertorlugit pissapput.

Kommuneqarfik Sermersuumi anartarfilerineq imikumillu suujunnaarsitsinerit pillugit maleruaqqusat immikkoortumi atuupput.

3.4 PILERSAARUMMIT INATSIINUT TUNNGASUT**INATSIINUT TUNNGATINNEQARALLARTUT**

Kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik (Pilersaarusiornermut inatsit § 31).

Akerliliisinaanermut piffissaliussap naareernerani, piffissaagallartillugu akerliliissutiniq tigusaqartoqarsimanngippat nunaminertap siunnersuummi pineqartup, siunnersuummut

naapertuuttumik illuliorfigineqarnissaa imaluunniit allatigut iluaqutigineqarnissaa Kommunalbestyrelsip akuerisinnaavaa (Pilersaarusiornermut inatsit § 31 imm. 2).

Inatsisitigut sunniutaagallartut kommunimut pilersaarummut siunnersuutip tamanut nalunaarutigineqarnissaata tungaanut atuutissapput - taamaattorli siunnersuutip saqqummiunneranit sivilisunerpaamik ukiumi ataatsimi. (Pilersaarusiortarnermut inatsimmi § 31 imm 3).

INAAARUTAASUMIK INATSISINUT TUNNGASOQ

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerit. (Pilersaarusiornermut inatsit § 29).

Kommunimut pilersaarummut tapiliussaq una inaarutaasoq tamanut nalunaarutigineqareerpat pissutsit pilersaarummi aalajangersakkanik unioqqutitsisut pissusiviusulluunniit pilersinneqarsinnaanngillat. (Pilersaarusiornermut inatsit § 30).

Pisulli ilaanni aalajangersakkanik sukumiisunit nikingasoornerit illoqarfimmut pilersaarummi aalajangersakkat sukumiisunit annikinnerusunut immikkut ittumik akuersissuteqartoqarsinnaasarpog. Nikingasoornerit pingaarnert aamma aalajangersakkanik pingaarnert nikingasoornerit pissutigalugit nutaamik kommunimut pilersaarummut tapiliussaliortoqassaaq. (Pilersaarusiornermut inatsit § 50).


Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngitsoq nunaminertat, illut atortulersuutillu pilersaarummi ilaatinneqartut, pilersinneqassasut.

4. AKUERSISSUTEQARNERMI ATSIORNERIT

Matumuuna kommunimut pilersaarummut tapiliussaq nr. 10-imut siunnersuut maanna Kommuneqarfik Sermersuumi Aningaasaqarnermut Inuussutissarsiornermullu Ataatsimiititamit akuersissutigineqarpoq ulloq 07.10.2025 aamma sapaatit akunnerini arfineq-pingasuni tusarniaassutigineqassaaq.

Kommuneqarfik Sermersooq ulloq 08.10.2025



Avaaraq Olsen

Borgmesteri


//



Ole Jakobsen

Kommunaldirektøri

Siunnersuutitut tamanut saqqummiunneqarpoq, ulloq 15.10.2025



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarut
tapiliussaq nr. 10 //
Kommuneplantillæg nr. 10

SIUNNERSUUT //
FORSLAG

ILISARNARATINUT NASSUIAATIT SIGNATURFORKLARING

-  Immikkoortup ilaanik killeqarfiliineq //
Delområdeafgrænsning
-  Tupeqarfik //
Teltområde
-  Festivalertarfik //
Festivalplads
-  Sanaartugaaqqaartut //
Historisk bebyggelse
-  Takornarianut illuaraqarfik //
Turisthytteområde
-  Immikkoortoq sanaartoriusussaanngitsaq //
Friholdt område

ILANNGUSSAQ 1 // BILAG 1

IMMIKKOORTOQ 100L1 QOOQQUT //
DELOMRÅDE 100L1 QOOQQUT

Oktober 2025 // Oktober 2025
Uutuut 1:15.000 // Skala 1:15.000

A4